

Jedan zajednički
krov,
Zajednički vanjski
zidovi,
A sobe uredimo
kako znamo

IZLAZI TRI PUTA MJESEČNO

PRETPLATA:

GODIŠNJE 40— DINA. A
POLUGOD. 20— " "
TR. MJES. 10— " "

ČEKOVNI RAČ. POŠT. ŠTED. 2064

BROJ 1

SARAJEVO, 16. DECEMBRA 1939.

GODINA 1

Naša sloga, naš program

Muslimani Bosne i Hercegovine kroz vijekove su bili na braniku svoje uže domovine Herceg-Bosne, pa i mi kao nasljednici svojih predaka imamo zadaću i dandanas da se borimo za tu našu baštinu, za taj naš amanet. Kakogod smo imali sreće u prošlosti da očuvamo tu našu tekovinu, uzdamo se u Boga i u svoju jedinstvenu snagu, da ćemo zaista polučiti ono, za čim težimo. Nema naroda na svijetu koji nije došao do ostvarenja svojih ideala, pa nećemo valjda ni mi u tome biti iznimka.

Jedan od najvećih naših uspjeha, jedan ogromni moralni i politički kapital je naša sloga, je naše jednako političko gledanje i na sadašnjost i budućnost, je naš zajednički jedinstveni politički program. Na tom programu su se ponovno našli na okupu svi muslimani raznih staleža, kako intelektualac sa seljakom iz najzabitnije kobilice, tako obojica sa svojim bratom u gradu trgovcem, zanatlijom, sveštenikom i radnikom. Ta sloga i jedinstvo predočuje toliki kapital, koliki i samo ostvarenje toga zajedničkoga programa.

Tako smo i ovaj put pokazali i dokazali, da u nama bije jedno isto i nacionalno srce, jer volimo kraj u kome živimo preko hiljadu godina kao autotoni elemenat, kao najstariji domorodci u ovom kraju. Oni koji su poslije došli ovamo, oni i ne vole svoje uže domovine Herceg-Bosne u tolikoj mjeri u koliko mi iz prostoga razloga, jer njesu u njoj toliko vremena proboravili, pa uvijek još teže više onome kraju, u kojem su nikli njihovi pretci, jer zaista nije krv voda.

Naš program, naš cilj je potpuno pravedan i blagodati ostvarenja našega programa uživali bi svi građani prema svojoj brojčanoj snazi. Trebamo svi biti pravedni i donositi sve zakonske odredbe jednoglasno bez ikakva nadglasavanja, pa onda nema bojazni, da bi se udruživale dvije vjerske skupine protiv treće i da bi je na taj način nadglasale. Treba unapred pravo misliti, pravedan biti, čistu namjeru imati i onda se ne treba nepravde bojati.

Mi trebamo istrajati na ovome putu, na kojem se nalazimo i doći ćemo sigurno do svojih plodova. Plodovi biće ekvivalentni sjemenu, radu i borbi što je uložimo u taj posao. Što više podnesemo žrtava, to nas čeka bolji i zreliji plod. Prema ubranome plodu moći ćemo procijeniti i energiju, koju smo uložili u taj posao.

U borbi ne smijemo biti malodušni, sitni, pesimistički raspoloženi, ne smijemo kukati kako smo nejak, siromašni i slabi, jer narod slabica, narod kukavica, narod golića i bosića ne može ići u borbu. Isto tako i zdrav, borben i materijalno situiran narod ne treba da ide u borbu, ako ne vjeruje u pobjedu svoje ideje. Moramo imati vjeru u našu snagu i u našu pobjedu. Nijesmo mi degenerici, u nama počiva silna neistrošena energija, koja se najbolje očituje na našoj omladini. Naša omladina pod jednakim okolnostima sa svojim sugrađanima u školi, u radionici, u dućanu i na oranju i kopanju ne samo da zaostaje, već u utakmici dapače i prednjači. Stoga je omladina naša najveća nada i ufanije, ona je naša uzdanica. Imajmo punu vjeru u našu zlatnu mladež, jer u njoj počiva velika moralna i intelektualna snaga. Ako se momentano i ne složimo u svemu sa omladinom, to je za to, što nas dijele godine. I oni će se s godinama promijeniti, pa kad dođu u naše sadašnje godine, oni će nas onda potpuno razumjeti i osjećati i radiće za svoju zajednicu s većom snagom nego mi. Od svega najvi-

Šta sebi postavljamo kao zadaću

Mi želimo da mirnom i pažljivom analizom stvari i činjenica udarimo temelj jednoj planskoj, dobro smišljenoj i ozbiljnoj akciji, koja će imati utjecaj na pravilan razvoj našeg boljeg života bogatijeg slogom, pravdom i poštenjem.

Mi želimo da utvrdimo da je ova pometenost i zbuđenost naša časovita i da se u naš svijet unosi namjerno tako, da nebi niko znao kuda bi upravio svoj pogled. Mi ćemo našem svijetu okretati pogled na najglavnije stvari i probleme i upozoravati ga na dužnosti prema tim najglavnijim problemima.

Mi ćemo se neustrašivo suprotstavljati opasnoj bujici bezumnih prijetnja, klevetama, intrigama i lažima špekulanata i svakom drugom otrovu koji bude razjedao narodnu slogu i koji bude unosio rastrojstvo u naš svijet.

Mi navještavamo beskompromisnu borbu svima spekulantima, koji žive od narodne nesloge, narodne neprosvijecenosti i opšteg slabog stanja. Tako isto ćemo se boriti sa svima onima koji budu ma šta zloupotrebljavali da nešto postignu i zadbiju na račun opšti.

Mi želimo da zaustavimo žalosni razvoj naših prilika. Da spriječimo kobno nerazumjevanje naših životnih interesa. Da spriječimo unošenje uzbuđenosti i pometnja u naš svijet. Da objasnimo kojekakve neiskrene i zavajavaličke stvari.

Mi ćemo vazda davati pravedan otpor svima nepravednim stvarima.

Mi ćemo vazda na srijedu izlaziti s onim što je bolje da se naš položaj popravlja i da ne bi bivao još gori.

Mi ćemo tražiti od svakoga da svoj patriotizam bilježi sa svojim čestitim radom, sa svojim znojem i trudom.

I u politici ćemo tražiti da se vazda izabira pravi i pošten trud.

Preko laži naših neprijatelja nećemo dati da se sa ćutanjem prelazi.

Razmetljivu i praznu viku, zaglušivanja i zaplašivanja mi ćemo suzbijati.

Mi nećemo dozvoljavati da se zabašuruju vrlo važna pitanja pa makar ona ne znam kako teška bila.

Mi ćemo od svakoga tražiti da se ono što je najbolje i najsudbonosnije pretpostavlja onome što je najlakše i najprirodnije.

Mržnju i zavade uklanjaćemo.

Ljubav bratsku međusobno podizaćemo iznad svega.

Mi pozivamo sve što je sposobno i čestito na dragocjenu saradnju. Ostavimo sve sitničavosti i isključivosti na stranu. Naši su najveći interesi u najsudbonosnijem periodu. Vrijeme je ozbiljno ono od nas traži da uložimo sve pa i najskrajnije žrtve i napore za našu zajedničku stvar za naše rođeno dobro

Lažljivce, puzavce, izdajice i ostale bezkičmenjake, u koliko ovakih bude u našoj sredini najgore ćemo progoniti i nastojati da nedolaze do izražaja a naše vitezove i neustrašive borce svim silama podupirati da dolaze na površinu, jer smo svijesni da samo oni koje sloboda i sreća naroda pokreće na rad mogu biti vodeći, a nikako oni kojima je položaj i novac sve.

ČITAJTE I ŠIRITE »NAŠU BOSNU« !

Malo više „bratstva“ na djelu

Kako je poznato i od strane Beograda, i od strane Zagreba u ovih 20 godina stalno smo nazivati braćom. Ovo bratstvo naročito u zadnjih nekoliko godina od strane Zagreba odnosno »Pisarne na Prilazu« stalno se je ponavljalo u svim zgodnim prilikama. Koliko je Beograd u pogledu ovoga »bratstva« za muslimane učinio to smo vidjeli.

Obzirom da nas je Zagreb ovim bratstvom više kitio a pogotovo zadnjih godina, razumljivo je da su se pojedinci i nadali boljem sprovođenju na djelu ovoga bratstva od strane Zagreba. A kako i ne bi kada su najveći hrvatski političari tvrdili da su bos. herc. muslimani najčistiji Hrvati, pa i pored

svega onoga »najčistijeg hrvatstva« u današnjoj zgradi Banovine Hrvatske nema nijedan »brat« musliman, a u toj zgradi ima samo 11 odjelnih prestonika i bezbroj činovnika i ostalih službenika.

Braćo Hrvati nemojte tako !

Nemojte da je početak pogrešan. Početak pogrešan dovodi do lošeg svršetka.

Ako smo zbilja braća, dajte nam bar jednog poslužitelja, ako ne činovnika.

RUKOPISE ŠALJITE NA POŠTANSKI FAH 295

še poklanjamo vjeru i nadu u našu omladinu i u našega seljaka.

Radi toga iskorjenimo ono zlo, koje su unijeli u nas ljudi male kulture, male inteligencije i uskog horizonta, ljudi-šarlatani, da smo mi nejak, da smo nemoćni i da će nas nestati iz ovih krajeva. To ne može biti. Ljudi koji tako govore, oni su duševno bolesni, treba ih ostraniti iz naše sredine. Neka njih nestane kad se ne uzdaju u se i u svoje kljuse. Zar narod, koji je dao u svojoj prošlosti toliki broj velikana, može danas sebe unapred osuđivati na propast. Ne može. Potomci tako slavni Sokolovića, Čuprilića, Gazi Husrefbega, Hrnjica, Gradaševića, Bašagića, Čauševića i Spahe ne smiju i ne mogu biti izrodi, oni mogu biti samo ono, što su

naslijedili od svojih predaka, koji su našu slavu donosili diljem dvaju kontinenata svijeta Evrope i Azije. Ta naša slava nije počivala samo na maču, nego i na peru. Što ima Bosna i Hercegovina vidnih spomenika materijalne i duhovne kulture, nosioci su joj naši djedovi, pa da mi budemo izdajnici, to ne može nikako biti.

Stoga apeliramo na sve muslimane, da čuvaju svoju slogu i da još više učvršćuju svoje složne redove. Treba da znamo da samo složan narod može doći svome cilju, a mi smo narod (a ne manjina kako bi nas htjeli neki napraviti), složni smo više nego ikad i zato ćemo pobijediti. Naša pobjeda donijet će koristi nama i cijeloj državi Jugoslaviji. U to nesumnjamo.

GRADSKA ŠTEDIONICA OPĆINE GRADA SARAJEVA

prima sve uloge na štednju
i po tekućim računima te daje sve vrste kredita na osnovu sigurnog pokrića za njezine obaveze jamči **OPĆINA GRADA SARAJEVA** cijelim svojim pokretnim i nepokretnim imetkom

U sastav Gradske štedionice općine Grada Sarajeva spadaju grad. tehnička preduzeća:
Električna centrala, Tramvaj, Vodovod, Plinara i Asfaltna industrija

F I D

★
VELETRGOVINA MANUFAKTURNE ROBE
FOČO I DRUGOVI
TRANZITNO STOVARIŠTE ALIPAŠIN MOST
SARAJEVO + Đulagina 3 + Sarači 31

TELEFON 37-60

★

„Orijent“

JEDINA DOMAĆA TVORNICA SVIH VRSTA KEKSA KOJA SVE SVOJE VRSTE KEKSA PRAVI NA MASLU, RADI ČEGA JE NAJTOPLIJE PREPORUČUJEMO NAŠIM PRIJATELJIMA.

Adresa: „ORIJENT“ tvornica keksa, bonbona i čokolade — Sarajevo

H. Islamaga Vranić i sinovi

FABRIKA FESOVA

Sarajevo — Prestolonasljednika Petra 11 Telefon 26-54

Besplatan pregled Radio aparata, vršimo po našem stručnjaku. Stare Radio aparate zamjenjujemo za nove uz veoma povoljne nadoplate. Posjetite naše Radio odjeljenje

„FERRUM“

Gvoždarsko tehn. i elektrotehn. preduzeće Sarajevo, Aleksandrova 33
(Kod Katedrale)

IVO JURIĆ - prije Tivar - SARAJEVO

odela — kaputi — hubertusi

Prvi broj »Naša Bosna« poslali smo svima onima za koje smo smatrali, da će biti redovni čitaoci našeg lista.

Ovim obaviješćujemo sve čitaoce, koji žele da redovno primaju list, da se pretplata uplaćuje na čekovni račun broj 2064.

Godišnja pretplata iznosi din. 40.—, polugodišnja din. 20.— a tromjesečna din. 10.—.

ASIM ARSLANAGIĆ

trgovina kolonijalne robe, zemalj. proizvoda i južnog voća na veliko

SARAJEVO — Morića han

Filijale: Đulagina 2, Aleksandrova 99

Telefon 33-58. — Telefon stana 23-58

„ŠPEDICIJA ATIAS“

za međunarodne transporte

MOSTAR, Musala 1

vrši sve špeditersko-transportne poslove, bavi se prevozom svakovrsne robe — od denčane robe do vagonskih pošiljaka, preseljenjem kućnog namještaja. Unovčenje duplikata tovarnih listova. — Sve poslove obavlja najkulantnije uz povoljne cijene. Izvolite od nas zatražiti informacije. (Brz.: Šped, Atias«)

„JUPIS“

vlasnik Jusuf Pilav

Izvršujem sve instalaterske radove po veoma umjerenom cijeni. Rad brz i solidan

instalaterska radnja za vodovod, kanalizaciju i plin Sarajevo, Kralja Aleksandra 12 — Telefon 22-93

PETAR JURIŠIĆ

SARAJEVO, Aleksandrova ul. 56

Prodaje i dostavlja ugalj po narudžbi iz rudnika: Breza, Zenica, Kakanj i Kreka. Posluga brza, tačna i uredna.

Telefon 20-63

VOJNI I CIVILNI KROJAČ

Haso Bašić

SARAJEVO — Kralja Petra 34

Dobra fotografija u svako doba pretstavlja lijep dokument i pruža Vam iluziju lijepoga

FOTO STUDIO JOVIĆ

Sarajevo, Prest. Petra 26 (preko puta Bogoslovijske) Uređen je na savremenoj fotografskoj tehnici, tako da Vam u svako doba može dati dobru fotografiju

KROJAČKI SALON

„ELEGANT“

SARAJEVO — Kralja Petra 2

izrađuje muška odijela, zimske i proljetne kapute po najnovijoj modi uz veoma umjerene cijene.

ZASTUPSTVO FABRIKE SAPUNA

„MERIMA A. D.“

SARAJEVO, Aleksandrova 16